

ბაკალავრიატის ინგლისურენოვანი პროგრამის ბიზნესის ადმინისტრირება Business Administration

პროექტი

პროგრამის სპეციფიკა: პროგრამა ამზადებს კურსდამთავრებულს გლობალურად კონკურენტულ ბიზნესგარემოში ეფექტიანი საქმიანობისთვის და უზრუნველყოფს ბიზნესის ადმინისტრირების მიმართულებით მყარ ცოდნას - მეწარმეობის, მენეჯმენტის, ფინანსებისა და მარკეტინგის სფეროებში, როგორც ადგილობრივ, ისე საერთაშორისო კონტექსტში. პროგრამა ავითარებს სიღრმისეულ გააზრებას იმისა, თუ როგორ ფუნქციონირებენ თანამედროვე ორგანიზაციები, როგორ ვითარდება ბაზრები და როგორ რეაგირებენ ისინი ეკონომიკურ და კონკურენტულ გამოწვევებზე. პროგრამის ერთ-ერთი მთავარი სპეციფიკაა ციფრული ტექნოლოგიების აქტიურად გამოყენება ბიზნესგადაწყვეტილებების მისაღებად, მათ შორის რადენობრივი და ხარისხობრივი მეთოდების, მონაცემთა ანალიზისა და თანამედროვე ანალიტიკური ინსტრუმენტების პრაქტიკული გამოყენება ბიზნესპროცესების შედეგადადგინებისა და კონკურენტუნარიანობის გასაუმჯობესებლად. პროგრამა, ასევე აყალიბებს ბიზნესგარემოს ინტერდისციპლინურ ხედვას, რაც კურსდამთავრებულს საშუალებას აძლევს გაითვალისწინოს ეთიკური პასუხისმგებლობა, სამართლებრივი ჩარჩო, მდგრადობის პრინციპები და საერთაშორისო კონტექსტი ბიზნესპრობლემების ანალიზის დროს თუ გადაწყვეტილებების შემუშავებისას. პროგრამა, ასევე განსაკუთრებულ ყურადღებას უთმობს გუნდურ მუშაობას, ლიდერულ და საკომუნიკაციო უნარებს, პრაქტიკაზე დაფუძნებულ პროექტებს და უწყვეტ პროფესიულ განვითარებას, რაც უზრუნველყოფს კურსდამთავრებულის მზადყოფნას გრძელვადიანი კარიერული ზრდისა და უწყვეტი სწავლისთვის.

პროგრამის ძირითადი მახასიათებლები: უმაღლესი განათლების საფეხური: I (ბაკალავრიატი); მისანიჭებელი კვალიფიკაცია: ბიზნესის ადმინისტრირების ბაკალავრი/Bachelor of Business Administration (კვალიფიკაციის კოდი: 0413 (0413.1.2)). სწავლების ენა: ინგლისური; პროგრამის მოცულობა - 180 კრედიტი (1 კრედიტი = 25 სთ); პროგრამის სტრუქტურა: თავისუფალი კომპონენტი (მათ, შორის, სავალდებულო და არჩევითი ნაწილი) და ძირითადი სწავლის სფეროს კომპონენტი (მათ შორის, სავალდებულო და არჩევითი ნაწილი); 3 აკადემიური წელი (6 სემესტრი).

კურსდამთავრებულის დასაქმების შესაძლებლობა: კურსდამთავრებულს შეუძლია დასაქმდეს როგორც კერძო, ისე საჯარო სექტორში, აგრეთვე საერთაშორისო და არასამთავრობო ორგანიზაციებში ბიზნესის, ადმინისტრირების, კოორდინაციისა და ანალიტიკური მიმართულების პოზიციებზე, მათ შორის ბიზნესის განვითარების მენეჯერის, პროდუქტის განვითარების მენეჯერის, ოპერაციების სპეციალისტის, ბიზნეს-პროცესების სპეციალისტის, ბიზნეს ანალიტიკოსის და სხვა შესაბამის პოზიციებზე/თანამდებობებზე. გარდა ამისა, კურსდამთავრებულები მზად არიან დაიკავონ ლიდერული პოზიციები არსებულ ბიზნესში/მოქმედ ორგანიზაციებში ან დაიწყონ და განავითარონ საკუთარი სტარტაპი.

კურსდამთავრებულის სწავლის გაგრძელების შესაძლებლობა: პროგრამის კურსდამთავრებულს სწავლის გაგრძელება შეუძლია უცხოეთის და საქართველოს უმაღლეს საგანმანათლებლო დაწესებულებებში უმაღლესი განათლების შემდგომ საფეხურზე (მაგისტრატურაში), საგანმანათლებლო პროგრამაზე, რომელიც წინაპირობის სახით არ მოითხოვს პროგრამის კურსდამთავრებულის კვალიფიკაციისაგან განსხვავებული კვალიფიკაციის საჭიროებას.

პროგრამაზე სწავლის წინაპირობები: პროგრამაზე დაიშვება სრული ზოგადი განათლების ან მისი ეკვივალენტური განათლების მქონე პირი, საქართველოს მოქმედი კანონმდებლობის შესაბამისად. ჩარიცხვა ხდება ერთიანი ეროვნული გამოცდების შედეგების (რანჟირების დოკუმენტის) საფუძველზე (სავალდებულო საგნად ინგლისური ენის ჩაბარების პირობით), გარდა უმაღლესი განათლების შესახებ საქართველოს კანონით განსაზღვრული შემთხვევებისა (ერთიანი ეროვნული გამოცდების გარეშე ჩარიცხვა ხდება კანონმდებლობით განსაზღვრულ შემთხვევებში დადგენილი წესის შესაბამისად) - ორივე მითითებულ შემთხვევაში პროგრამაზე სწავლისთვის აუცილებელი მოთხოვნაა ინგლისური ენის ფლობა არანაკლებ B1 დონეზე. პროგრამით სწავლის გაგრძელება შესაძლებელია მობილობით ბტუ-ს და სხვა უსდის უმაღლესი განათლების იმავე საფეხურის საგანმანათლებლო პროგრამების სტუდენტებისთვის (დამატებითი მოთხოვნაა ინგლისური ენის ფლობა არანაკლებ B1 დონეზე), სტუდენტების მიერ უკვე მიღწეული სწავლის შედეგების თავსებადობა წინამდებარე პროგრამასთან დადგინდება საქართველოს მოქმედი კანონმდებლობის შესაბამისად, ბტუ-ში არსებული განათლების (კრედიტების) აღიარებასთან დაკავშირებული რეგულაციებით. პროგრამის სრული ვერსია განთავსდება ბტუ-ს ვებგვერდზე - პროგრამაზე სწავლის მსურველს შეეძლება დაუკავშირდეს პროგრამის ხელმძღვანელს, დააზუსტოს ინფორმაცია პროგრამის და მისი კომპონენტების შესახებ, გაიაროს კონსულტაცია პროგრამის სპეციფიკისა და სწავლის თავისებურებების შესახებ.

პროგრამის განხორციელების დაწყების საპროგნოზო ვადა: 2026 -2027 აკადემიური წელი.